

Mapanan di Plantation Bay Beach Resort entrega na Ministro Booi



ORANJESTAD(AAN)- Sr. Jan de Ruyter di Plantation bay N.V. a haci entrega di e mapanan pa construccion di Plantation Bay Beach Resort & Casino na Ministro di Obras Publico drs. Frank Booi.

Tambe sr. de Ruyter a haci entrega di e otro documentonan necesario manera investigacion di e terra y e

"windtunneltest". Na Maart 1987 Plantation Bay N.V. a haya un tereno den opcion pa noord di Holiday Inn Beach Hotel.

Plantation Bay Beach Resort lo ta un hotel consistiendo di 420 camber cu lo costa alrededor di US\$ 49.000.000,- pa construccion.

E financiamento ya ta cla y durante e ultimo lunanan e diferente departamentonan di Gobierno a traha duro pa keda cla formalmente cu e proyecto. Awor ta asina leu cu e tereno por ser traspasa den forma di erfpacht.

Ta ser spera cu na November proximo lo cuminsa cu construccion di e hotel aki.